

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

بو آیت کریمه ده تصویر اولدینی وجهله حقیقه دیوارلر آرقه سندن ، استحکاملر ایچنده محاربه ایدن قوزقاق بر دشمنه هجوم ایچون او قدر چوق آدمه احتیاج یوق . دشمنک او عظیم قوتنه قارشى مسلمانلر یکریمده ، اوتوزده بر نسبتند قوتله کیدرلر ، ینه دشمنی مقهور و پریشان ایدرلر . بو خارق العاده بر حالدر . انسان بوکا قوه بشریه مز . بو جناب واجب الوجودک و عدیبوردینی نسررت الهیه در . بونی نه فن قبول ایدر ، نه عقل . مابعدی وار .

تشیات

محاربه نك يكي دوره سی

خناق قلعه بومباردمانی طرابلس غرب محاربه نك يكي بر دوره یه کیرمکده اولدیغنه بر سبب و دلیل کافی کبی عد ایدیه بیلیر . معلوم اولدینی وجهایله ایتالیا طرابلس غرب محاربه سنه کیریشدیکی زمان حکومت سائر مه محاربه نك يالكز طرابلس وجوار یله تحدید ایدیه جکنه ، قطعاً توسیع دائره ایتیه جکنه دائر تأمینات ویرمشدی . کرچه محاربه نك ابتدا لرنده بیله ایتالیا دونماسنک پرومزه و دیگر سواحل عثمانیه تجاوزی شو تأمیناته طبان طبان ضد اولارق ایتالیا حکومتک عهد و میثاقلرینه قطعاً امنیت ایدیه میه جکنه بر دلیل کافی تشکیل ایدیوردی ؛ لاکن حکومت مذکوره شو حرکات عهد شکنانه سنی « سوء تفهیم » ، « دونما قوماندانلرینک خطاسی » صورتند تاویل ایله آوروپا حکومتلرینی ییکی دن تطمین ایتدی . فقط محاربه اوزادجه ، ایتالیانک آفریقاده کرفتار اولدینی مشکلات تعدد ایتدجه ایتالیا حکومتک طرابلس غربده عجز وضعی کرک ایتالیاده ، کرک باشقه برلرده تظاهر ایدیوردی . ایتالیانک محاربه یی باشه چیقارامیه جغه ، بالاخره خاسرو نام بر رجعت فاحشه یه دوچار اولاجغه دائر هر کسده بر قناعت قطعیه حاصل اولیوزدی . بوايسه ایتالیا ایچون خارجه عظیم بر عار و حجاب ، داخلده ایسه افکار عمومیه نك صوک درجه تهیجنه سبب اولیوردی .

یدی آیدنبری تمادی ایدن طرابلس غرب محاربه سنی ایتالیانک شرف و حیثیت بین الدولیه سنی تمامیه محو ایتدی . ایتالیادولتنک اصلاقیمت عسکریه سی اولمادینی ، دول معظمه صره سنده بولونمسی بر سوء تفهیم نتیجه سی اولدینی تمامیه آشکار اولدی ؛ داخل اهالی کندی لرینک صوک درجه فاحش بر صورتده حکومت طرفدن آلتائش اولدیغنی آکلامیه باشلادی ، طرابلس غرب سفری ، حکومتک تأمینانه رغماً ، بر عسکری اکلنجه یینه ، مدهش بر فلاکت حاضر لایه جنی نمایان اولدی ؛ ایتالیا افکار عمومیه سنده بوندن طولای حکومت و خاندان علینه مدهش بر عدم خوشنودی تظاهر ایتدی . ایسته بو خوشنودسزلنی دفع ایتک ایچون ایتالیا حکومتی مجنونانه و سرسریانه بر صورتده بر طاقم بلوفره ،

فقط جناب قادر مطلق عدالت سبحانیه سنی کوستردی ، قرآن عظمت شاننده کی و عدربانیسی ایفایوردی . کفارک پلانلرینی پریشان ، دسیسه لرینی آلت اوست ایتدی . فقیرکیز بالذات بو محاربه یه اشتراک ایتدم ، طرابلس غربک بنغازی منطقه سنه ، درنه جهتلرینه کیتدم ، اوراده کی مجاهدین کرامک احوال حاضره سنه دائر اولدجه کسب اطلاع ایدم . هر نه قدر اوراده تدارکات حربیه تامنه بزم بر شیئمز یوق ایسه ده ، مؤمنلرک قلبی غایت قوی در ، جهاد صوک درجه بزم مطلوبمزه موافق جریان ایدیور ، جماعت مسلمینه ، اوراده کی مشاهداتی جناب حقک بونعمت عظماسنی تبشیر ایتمی بر وظیفه عد ایدرم . [صاغ اولک]

معلومدرکه بومسئله بتون عالم اسلامه عائددر . هندستان وجاواده بیله مسلمانلرک حسیات معنویه لرینه طوقوندی . جمله سی بوتجاوزک مسلمانلر ایچون آغیر بر ضربه اولدیغنی حس ایتدی . جمله سی (وجاهدوا فی سبیل الله) امرینه امتتالاً کیسه حیتلرینی آچه رق میدان جهاده کی مسلمان قارداشلرک امدادینه یتشمکه ، ولومالاً اولسون ، شتاب ایتدیلر . یالکز مصرده کی اخوانمزک معاونتلی بنم مصردن مفارقمه قدر سکسان التی بیک لیرایه بالغ اولمشیدی . ارزاق ، اشیا وسائر بتون احتیاجاتی مجاهدلره یتشددیلر ، حکومت مزده کندی حسابنه لوازم حربیه یی اوراده کی اخوانه یتشددیلر . بوسورتده اوراده کی مجاهدلر کال جدیدته ، کال حیتله مملکتی ، وطنی حمایه و مدافعه ایتمکه ؛ فرض اولان جهادی ادایه ، اللهک امرینی یرینه کتیرمکه اوغراشیورلر . هر نه قدر دشمنک قوه مادیه سی ، بزم قوه مادیه مزه نسبتله ، پک بیوک ایسه ده ، یعنی اونلره نسبتله بزم ادوات حربیه مز اوراده هیچ یوق کبی ایسه ده ، ابتدای محاربه دن بوکونه قدر مظفریت دائماً مجاهدین اسلامیه طرفده در . مغلوبیت ده دشمنلر ، کفار طرفده در .

بوده اللهک وعد سبحانیسی در . (ان الله لا یخلف المیعاد) الله وعدنده خلف ایتمز . (ولینصرن الله من ینصرنه) البته الله نصرت ایده جکدر ، اوکیسه لرده که اونلر الله نصرت ایدرلر . یعنی اعلا ی کلمه الله ایچون محاربه ایدنلره ، الله یولنده جهاده کیدنلره الله یاردیم ایدر . بر طرفدن کوکلوکیدن حیتلی ضابطلر مز ، شجیع عسکرلر مز ، دیگر طرفدن اهالی کرام دینک ، وطنک مدافعه سنه شتاب ایتشلر ، کیجه کوندوز الله یولنده فدای جان ایدرلر . الله ده هر وقت بونلری غالب ومظفر قیلیمقده در . بن کندی مشاهداتمدن معلومات ویره جکم که ذره قدر مبالغه ، یالان احتمالی یوقدر .

[حضرت ، بوراده مدهش بر محاربه یی تصویر ایتدی] ایسته بو ، صرف جناب حقک مسلمانلره اولان عنایتی در . الله سبحانه وتعالی حضرتلری اونلرک نه فطرتده اولدقلرینی بیلیر . اونک ایچون بوندن بیک اوچیوز سنه اول (لایقاً تلونکم جمیعاً الا فی قری محصنه او من وراء جدر بأسمهم ینهم شدید تحسبهم جمیعاً وقلوبهم شتی) بیورمشدر .

شارلاتانقلره قویولدی، آلایش و نمایش لر ایچنده طرابلس غربک ایتالیا به الحاقی اعلان ایتدی و شو اعلانه عائد امر نامه قرالی بی مجلس مبعوثانه قبول ایتدیردی. شو شعبده بازقله ایتالیا حکومتی ایتالیا افکار عمومی سنی بر مدت ایچون تطمین ایتدیسده کنیسنی دوشمش اولدینی چاه ذلته دهه زیاده صوقدی. زیرا بر کون کلوبده ایتالیا نلر بتون حقیقتی، بتون عریانلنی و دهشتی ایله برابر کوره جکدرنده و حکومت طرفدن آلداتلش اولدق لرینی آکلایه جق لرنده شبهه ایدیه مزدی. حالبوکه ایتالیا حکومتی شو نمایش و آلایش لری ایله آرقه سنده کی بتون خط حرکت لری کسمش و کنیسنی حقیقتاً حقیقماز بر سوقاق ایچنه صوقش کوره جکدی.

فی الحقیقه ده بویه اولدی. ایتالیا نلر امر الحاقی آلفشلادیلر، نمایش لر اجرا ایتدیلر ایسه لرده، مطبوعات اجنبیه واسطه سی ایله اولسون ایتالیا نلر طرابلس غربده هر کون یکی بر مغلوبیته دوچار اولدینی، ایتالیا حکومتک طرابلسده یوز الی بیک کشیک بر قوت بولندرمیه محبور قالدینی، مع مافیه ایتالیا نلرک ایلك الدایتدک لری یردن بر خطوه بیه ایلری آتیه مادیق لرینی اوکرمه نیورلردی. یواش یواش یکی دن ایتالیا ده افکار عمومی حکومتک و خاندان حکمرانینک علیه غلیانه باشلادی. حالبوکه دیگر طرفدن ایتالیا حکومتک اک زیاده کووه ندیکی، امید ایتدیکی بین الدول توسطده بر ثمره، بر فائده یرمیوردی. عثمانلورک متانت و عزمی، حق یولنده ابراز ایتدکه اولدق لری آثار شهادت وفدا کاری بتون توسط لری و توسط لر اطرافنده چور یرلمکده اولان بلو فلری، انترقیه لری، تهدید لری عقیم براقیوردی.

دیمک که ایتالیا حکومتک وضعیتی حقیقتاً فجیع بر شکل ورنک آلمده ایدی، داخلاً افکار عمومی نلرک تضییقاتی، خارجاً ایسه عدم موفقیت حکومت مذکوریه مایوس و نومید بر حاله صوقشدر. ایسته بیروت بومباردمانی، چناق قلعه هجومی شو یأس و نومیدینک الهام ایتش اولدینی صوک چیلغلقلردر. بیروت بومباردمانی ایله ایتالیا حکومتی حکومت سائرده مداخله و حربه نهایت یرمیه دعوت ایتدی. فقط بوکا جواب اولارق حکومت سائر کنندی خوشنود. سزقلرینی و وضعیت بی طرفیدن قطعاً آیرمیه جق لرینی ایتالیا به آکلاندیلر. فی الحقیقه توسط فکری حکومت سائر میاننده دهه زیاده جایگیر اولدی. فقط شو فکر ایتالیا نلرک فرض ایتدیکی شکلدن تمامیه باشقه بر رنک و شکل آلدی. حکومت سائر توسطه اقدام ایتدیلر. لکن ایتالیا نلرک امید ایتدیکی کی تورکیا اوزرینه تضییق و اجبار اجرایی ایله دکل، روما قاینه سی نزدنده یایدیق لری کی عثمانلر قاینه سندنده عقد صلح حقدنه بسله مکده اولدینی افکارک استفساریله اکتفا ایتدیلر. بوا یسه ایتالیا بی تمامیه چیلدرتدی. زیرا ایتالیا حکومتی کرک افکار عمومی، کرک عثمانلر حکومتک عقد صلح حقدنه بسله مکده اولدق لری حسیاتی یک رعنا بیلور. عثمانلر مذاکرات صلحیه کیرشمک ایچون اول باول ایتالیا نلرک طرابلسی تخلیه سنی و الحاق حقدنه ایتالیا

طرفدن ایدیلن اعلانک فسخی طلب ایدیورلر. شوو طلب قبول ایدیلنجه عثمانلر قطعاً صلحه کیریشه مزلر.

ایسته ایتالیا حکومتی بونی بیلدیکی و حکومت معظمیه کندی اغبرار وحدتی ابراز ایتک ایسته دیکی ایچوندرکه صوک وسیله به مراجعت ایتدی و صوک سلاخلرینی قوللانهرق چناق قلعه هجوم ایتدی. شو تشبث ایتالیا حکومتک قطعاً بی نهایه و بی پایان بر حماقت، برسفا هته گرفتار اولدینی اثبات ایتدی. چناق قلعه بومباردمانی ایتالیا حکومتک الله صوک وسیله تهدید و تعرض ایدی. باری بونی محافظه ایتسیدیلر، باری بومباردمانک هیئت موهمه سنی کنیدیلر ایچون سرمایه تهدید اولهرق صاقلاسیدیلر! فقط شو سفیلر بونی ده اسراف ایتدیلر. سکز یوز بیک فرانغه مال اولان درت یوزمرمی آتارق یالکز برابر کیر اتلاقدن باشقه بر خلط ایدمه مدیلر. ایسته سزه ایتالیا نلرک قیمت بحریه سی! ظن ایدرز، شو قیمت طرابلس ده تظاهر ایتش اولان قیمت بریه همان همان مساویدر. بتون آوروپا خنده لر واسته زالر ایچنده در. بتون غرب مطبوعات عثمانلرک شجاعت، شهادت، اعتدال و علو جنابلرینی تقدیر ایتدکه برابر ایتالیا نلرک بو قدر عاجز اولدق لرینی و عجز لری قدرده کستاخ و ادب سز بولوندق لرینی سرمایه تقییح و تذمیم اتخا ایدیور...

مع مافیه ایتالیا نلرک دهه برامیدی واردرکه اوده بوغازلرک قاپانه سیله آوروپا تجارت و منافعه عارض اوله جق ضرر لر! دشمنک هجومه قارشى عثمانلرک بالطبع چناق قلعه بوغازینی سد ایتدیلر. بو ایسه بر چوق حکومتی و بالخاصه روسیه حکومتی متضرر ایدمه جکدر. بنابرین ایتالیا حکومتی حکومت سائرده مداخله به محبور اولاجق لرینه و بزى ده عقد صلحه اجبار ایدمه جک لرینه امید واردر!

حالبوکه حکومت مذکورده نلرک امیدیه ده بوشه چقیور: روسیه دن باشقه دیگر حکومتک کافه سی ایتالیا نلرک بویه بلو فلر ایله عثمانلورک صلحه اجبار ایدمه جک لرینی متحداً اقرار ایدیورلر. یالکز روسیه مبهم و مجهول بر وضعیت آلمشدر. هر نه قدر روسیه خارجیه ناظری سازونوف روسیه نلرک محاربه حقدنه وضعیت بی طرفیدن انحراف ایدمه جکینی و ایتالیا روسیه آراسنده هیچ بر خصوصى ائتلاف بولمیدینی رسماً سویله دیسه ده، ینه مشارالیه ک ایراد ایتش اولدینی بر جمله روسیه حکومتک بزه قارشى افکارینی غایت مبهم و مشکوک بر طرزده کوستریمک ایچون کافی در. مشارالیه دیمش که: «چناق قلعه نلرک سدی طول مدت دوام ایدرسه روسیه پروتستو ایدمه جکدر!» دیمک که روسیه بزدن چناق قلعه بوغازینک آچیلما سنی طلب ایدمه جکدر.

بویه بر طلب تکلیف مالا یطاقدن باشقه برشی اوله ماز. تکلیف مالایطاق ایسه هیچ بروجه و صورتله قبول ایدیه مز. بوغازی بز کیفمز، ایچون سد ایتدک که! آتی بزه سد ایتدیرن ایتالیا در. بوغازک آچیلما سنی بزدن طلب ایدمه جک هر هانکی بر حکومت اوله

ایتالیانك بوزاره هجوم ایتیه جكنه كفالت ایتیه لیدر . باشقه صورتده حرکت ، عثمانلی - ایتالیان محاربه سنك بر محاربه عمومیه شكلی آلمسندن باشقه بر نتیجه ویره من . زیرا بوزازلر مسئله سنده بزم قدر وبلكه بزدن زیاده علاقه دار دیگر حكومتلرده موجوددر . روسیه نك بالفعل ایشه مداخله سی احتماله بونلرده بالطبع سیرجی وضعیتی آلاق لا قید قلامزلریا ! خلاصه متانت و ثباتم زده بردوام اوله لم . كیتدكه دشمن شاشیریور و جریان احوال بزم لهمزه چویریلور .

احمد آغایف

چین انقلابی

قولجی رلانلی مسلمانلری

یكرمنجی عصر كاك بیوك وقایعندن بری چینده وقوعه كلان انقلاب عظیم اولدینی معلومدر . چینده وجود بولان بو انقلاب کیری اكلامق ایچون چین حكومتی تشکیل ایدن عناصری بيلمك لازمدر ، كه او عناصر شونلردر :

(۱) مانجو ، (۲) قره ختای ، (۳) موغول ، (۴) شییه ، (۵) اسلام . چین حكومتی تشکیل ایدن بو عناصردن انقلابی وجوده كتیرن عنصر قره ختای عنصریدر . اكثريت عظمی بو عنصرده اولدینی کبی هر شییه قابلیت واستعداد ، اقتصادی واجتماعی ، فکری و علمی تفوق وتعالی بو عنصر كالدردر . بو عنصر احراز ایلدکلی اكثريت وترقیات مدنییه حائر اولدقلى تفوق کبی عوامل مؤثره ايله ملت حاکمه ایکن بیک آلیوز قرق درت سنه میلادیه سندنبری زمام حكومت مانجولرك اللرینه كجمش اولدیغندن اوکوندنبری قره خطایلر فرصت بولدقه مانجولر ايله چاریشمقدن وزمام حكومتی تکرار اللرینه آلمق ایچون مادی ومعنوی چالیشمقدن بران خالی قالمیورلردی . اشته بوکون چینده وجوده كلان انقلاب کیر قره ختایلرك اوسعی و فعالیت متمادیه ومطرده لرینك اثریدر . بو انقلاب نتیجه سنده مانجو سالاله حكومتیه نهایت ویرلمش وچینك هر طرفنده جمهوریت اعلان ایدلمشدر . فقط هر یرده اولدینی کبی قره ختایلرده اعلان ایتدکلی بو جمهوریتك چین ممالك وسیعه سنه تطبیقنده مشكلاته و حكومت طرفدارلرندن تصعییات ومقاوماته دوچار اوله جقلى شهه سز اولان عوارض انقلابیه دندر . بو عارضه انقلابیه بی بوکره چینك «چونغاریه» قطعه سنده كائن قولجی شهرندن الیغم بر مکتوب شوصورتله تصویر ایدیور :

« اوچوز یکریمی یدی سنه سی یکریمی بش کانون اولی آقشامی قولجیده کی قره ختای جنراللرندن «یان تونلین» کندی جنسندن اولوب معیتده بولسان و جمهوریت اعلانی خصوصنده کنیدیسی ايله هم فکر اولان یکر الی هریله مانجو حكومتی قولجی والیسنك اقامت ایلدیکی «کوره» شهرینه کیش ومعیتده کی یوزیکرمی نفردن بر قسمی

شهرک خارجنده براقش ، دیگر قسمیه شهره داخل اولمش ، اوکیجه ساعت سکزده سور قپوسنی آجدره رق اولجی ویردیکی پاروله اوزرینه سورک خارجنده براقش اولدینی نفرلرینی شهرک ایچنه آلمش وبوراده ویردیکی امر اوزرینه عسکرک بر قسمی والینك اقامتگاهنه ، دیگر قسمی طویجیلره ، اوچنجی بر قسمی سائر حكومت طرفدارى عسکری وملکی مأمورلرك اقامتگاهلرینه هجوم ایتشلر ایدی . بو هجومدن خبر آلان حكومت طرفدارى عسکرلر ملکی وعسکری مأمورلریله برلکده جمهوریت عسکرلرینه قارشى حرب آچمشلردی . بوکیجه محاربه سی اثناسنده جمهوریت عسکری طرفندن آچیلان طوپ آتشدن والینك قوناغی آتش آلمش ، بو حریق قارغشه لئی ایچنده والی قاچه رق کیزلنمش ، حكومت دائرهلری یغما ایدلمش ، مأمورینك کیمیسی قاجمش ، کیمی قتل ایدلمش ، طویجی عسکرلری تسلیم اولمشلر ایدی . بوکیجه محاربه سنده جمهوریت عسکرلرندن اون درت ، حكومت عسکرلرندن ایکسوز تلفات اولدینی ، مقتول والینك قوناغنده قاصه لر دروننده ایکی ملیون قدر روس قائمه سی بولندی سولمندی . فقط بو قاصه لر دروننده کی قائمه لردن آتشك ویردیکی حرارتدن بر یجی ملیون مقداری کول حاله کلدیکی ، یارم ملیون قدرینك بر قسمك نصفی یانمش ، دیگر قسمك آتشدن صارامش بولندی بر حاله میدان تداوله چیقارلیدی کورلیدی . فقط بو قائمه لری قولجیده کی وخارجده کی روس پوستهلری ، تجارتخانه لری وبانقه لری آلمقدن امتناع ایدیورلر . بو امتناعلرینه سبب اوله رق روس حدودی خارجنده بویله بر حاله دوچار اولان روس قائمه لرینی آلمق روس حكومتیجه ممنوع بولندی سولمورلر . نه ایسه صده ده کله لم . کانون اولك یکریمی التنجی کونی صاحیلین والی قاچدیغی کیزلندیکی یردن چیقاریله رق قورشونه دیزلیدی . کاتب خصوصیسی دخی چارشوده قتل ایدلیدی . بونی کورن حكومت وعسا کرى تسلیم بایراغی آچدیلر . بو رسم تسلیم وتسلمك اجرا ایدلمسنى متعاقب جمهوریت عسکری قوماندانی جنرال «یان تون لین» جمهوریتك اعلان اولندیغنی ، اسکی حكومتك سقوط . ایتدیکنی ، اهالینك کندی ایشلریله مشغول و حكومت جمهوریه یه اطاعت ایتلمسنى لازم کلدیکنی ، یرلی واجنبی هر کسك جانی ، مالی ، عرضی حكومت جدیده نك ضمان وتكفلی داخلنده تجاوزدن مصون اولدیغنی مشعر بر بیاننامه نشر وبویاننامه نك عینی قولجیده کی روس قونسولوسنه تبلیغ ایلدی . روس قونسولوسى دخی حكومتندن آلدینی امر اوزرینه حكومت جدیده نك بیاننامه سنده کی وضعیتی قبول ایلدیکنی «یان تون لین» بیلدیردی .

جنرال «یان تون لین» بالاده کی وجه ايله اهالییه خطاباً جمهوریت بیاننامه سنی اعلان وتعاظیدن صکره امور حكومتیه وضع ید ایلدی . مقتول والینك اوطوردیغنی «کوره» شهرینك برنجی وقولجیه یی ایکنجی جمهوریت مرکزی اولدیغنی ، برنجی مرکزیه چینجه «دادودو» ، ایکنجی مرکزیه «ایردودو» ناملری ویرلیدیکنی اعلان ایلدی . برنجی مرکزك ریاسته قره ختای جنسندن قولجی معزول والیسی ، ایکنجی